

tur, cur non etiam sine corruptela editus præsumatur? In corrupta Virgo peperit, quod intacta Virgo concepit: integritatem nascendo violare non potuit, qui venerat integrare naturam. Fulgentius serm. 2. de Natali Domini: De cælis, inquit, medicus transiens per Virginem, post transitum suum, illam fecit Virginem permanere. Qui enim disrupta corporum membra in aliis poterat integrare tangendo, quanto magis in sua matre, quod invenit integrum, potuit non violare nascendo? Crevit ejus partu integritas corporis potius, quam decrevit; & virginitas ampliat a est potius, quam fugata.

VI. Probatur Judæorum veterum confessione. Rabbini Haccados lib. qui inscribitur Revelator secretorum, hæc habet: „ Quod Beth levius dictionis Lemarbe, „ positum sit in medio nominis Miriam, „ id est, Maria, ostendit hujus prophetissæ „ mentem, & cogitationem omnem esse, ut „ suam virginitatem conservet. Erit enim „ Virgo mente, & actu. Quoniam per „ bethula, id est, virgo significatur „.

VII. Probatur ex oraculis Sibyllinis; quanvis enim sciamus, carmina sibyllina interpolata fuisse, & quæ modo extant, non esse omnia genuina, atque sincera; Attamen Eruditiores critici conveniunt, quæ Sibyllarum oracula a SS. Patribus, & ab antiquis scriptoribus citantur, genuina esse, atque sincera, cujusmodi profecto sunt quæ sequuntur:

Sibylla Persica:

Virgine matre satus, pullo vesidabit asello,
Jucundus Prænceps &c.

Ille Deus casta nascetur Virgine magnus.

Sibylla Delphica:

Hujus pertentant cor gaudia magna Pro-
pheta
Eximii, qui Virginea conceptus ab alvo
Prodit sine contactu maris, omnia vincit,
Hoc naturæ opera: at faciet qui cuncta
gubernat.

Sibylla Samia:

Ecce dies, nigras, qua tollit læta tenebras,
Mox veniet solvens nodosa volumina va-
tum,
Gentis Judææ referet ut carmina plebi,
Hanc poterunt clarum vivorum tangere
regem,
Humano quem Virgo sinu inviolata fore-
bit,
Annuit hac cælum, rutilantia sycera mōn-
strant.

Sibylla Erythræa: lib. 8.

Et brevis egressus Mariæ de Virginis alvo
Exorta est nova lux &c.
P.A.R. IV.

Nuntius hinc talis affatur sermone puellam:
Accipe, Virgo, Deum gremio intemerata
pudico.

Sic ait; ast illam cælestis gratia molli
Lenit afflatu, tum virginitatis amatrix
Perpetuæ, magno subito correpta stupore,
Atque metu, trepida, pressit formidine
mentem,

Ignotis verbis commoto corde tremiscens.
Hinc, ut letificis mens est recreata loquelis,
Erbuit malas ridens puerile tussas,
Lætitia, dulcique animam demulsa pudore.
Tunc ad se rediit, Verbumque volavit in
alvum,

Idque suo factum, atque animatum tem-
pore corpus,

Mortali facie cretum est, puer inde creatus
Virgineo partu: mira est mortalibus hæc
res,

Sed res nulla Deo Patri, Natoque stupenda.

VIII. Probatur rationibus. I. Dicere Ma-
riam in partu virginitatem amisisse, vel est
dedecus Mariæ, vel est injuria in Deum;
sed neutrum est dicendum: ergo &c. Pro-
batur major. Vel hoc accidit, quia Deus
non potuit, vel quia Deus noluit; Si Deus
non potuit, est injuria in Deum; Si Deus
noluit, est dedecus Mariæ: ergo dicere,
Mariam in partu virginitatem amisisse,
vel est dedecus Mariæ, vel injuria in
Deum. Argumentum est S. Ildephonsi de
Virginit. Dei Genitricis cap. 1. „ Si Vir-
gini nostræ aut generationem, aut inte-
gritatem adimis, grandis dedecore Deo in-
juriam facis. Negas enim valuisse incor-
ruptam servare, quem fateris absque cor-
ruptione adire Virginem potuisse. Negas
Deum, quod vellet facere quivisse, quem
concedis Genitricem integram invenisse,
corruptioni deditam reliquisse. Ut ergo
asseris, Omnipotentis divinitas non pro-
fuit Virginitati, sed obfuit: quia dum
virgineum decus nascendo violavit, sum-
mam Virginitatem destruxit: ac per hoc
ipsum astruis Virginem deturpasse na-
scendo, quam decoraverat ipsa creando.
Obmutescat os talia proloquens &c. Ecce
enim Virgo ex Deo, Virgo ex homine,
Virgo attestante Angelo, Virgo judice
Sponso, Virgo ante Sponsum, Virgo cum
Sponso, indubitata Virgo, etiam dubitan-
te Sponso. Virgo ante Filii adventum,
Virgo post Filii generationem, Virgo
cum Filii nativitate, Virgo post Filium
natum. In partu Virgo, cum partu Vir-
go, post partum Virgo „. II. Christus,
quem Virgo concepit, & peperit, caruit
omni corruptione: ergo Virgo, quæ con-
cepit,